



Inatsisartunut ilaasortaq,
Maani/Jens Napätök

Ulloq: 05-08-2019
Suliap normua: 2019 - 16977
All. nr.: 11237486

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Imartat immikkut pisassiiffiqineqanngitsut (Kvotefri) aamma Naalakkersuisut siulittaasuat pillugu § 37 naapertorlugu apeqqummut nr. 259-imut akissuteqaat

Inatsisartut suleriaasianni § 37, imm. 1 naapertorlugu imartat immikkut pisassiiffiqineqanngitsut (Kvotefri) aamma Naalakkersuisut siulittaasuat pillugit Naalakkersuisunut apeqquaqarputit. Apeqqutit suliassaqaqfigisannit akineqartussanngorlugit innersuunneqarput.

Apeqqut:

- 1. Kvotefrizone-ni licens-it atorlugit taamaallaat aalisartoqarsinnaava, aap atorreqarpat qanoq aaqqissuunneqarsimava? Naagga atorreqarpat suna pissutigalugu aaqqissuunneqanngila?**

Akissut: Akuersissummik tunniussinermut, aalisarnerup nakkutilliivigineranut imaluunniit imartat immikkut pisassiiffiqineqanngitsut imartallu pisassiiffiusartut pillugit piumasaqaatini assigiinngissummik soqanngilaq.

Inuussutissarsiutigalugu aalisartuusimagaanni, imartanut immikkut pisassiiffiunngitsunut aamma pisassiiffiusartunut atuuttumik, aalisagaqatigiinnik aalisarneqarsinnaasunik aalisarnissamut akuersissummik tamatigut peqartoqartussaavoq aamma akuersissummik atuuttumik peqarsimagaanni tunitsivinnut pisat taamaallaat tunineqarsinnaapput. Tamanna aamma inunnut tuniniaanermi atuuppoq assersuutigalugu kalaalimeerniarfik aqutigalugu, tassalu taamaallaat inuussutissarsiutigalugu aalisartut akuersissummik atuuttumik peqartut kisimik pisaminnik tunisisinnaatitaapput.

Apeqqut:

2. Qaanaami aalisarnikkut aaqqissuussaanerup Nuuk-llu aalisarnikkut aaqqissuussaanera 2018 sioqqullugu qanoq assigiinngissuteqartigippat?

Akissut: Qaanaaq aamma Nuuk aalisarfeqarfiupput marluk assigiinngitsorujussuit taamaattoq marluullutik aqutsiveqarfik 46-mut Kalaallit Nunaata sinneranut ilaapput. Qaanaami aalisarneq ineriartupiloorpoq pingaartumillu sikukut aalisarneq aallunneqarluni. 2017-imi Qaanaami inuit 135-t akuersissummik peqarput.

Nuup eqqaa ukiuni kingullerni 8-10-ni nutarteriffiusumik aalisarfittut ineriartorpoq. Nuup eqqaani qalerallit kisimik aalisarneqarneq ajorput, saarulliit, nipisat, kapisillit nataarnallu aalisarneqartarput.

2017-imi Nuummi inunnut 509-nut akuersissutit tunniunneqarsimapput, taamaakkaluartoq tamanna aalisartut Nuup eqqaani aalisartartut amerlassusiannik tamakkiisuusumik takutitsisuunngilaq, tassa aalisartut arlalippassuit sumiiffinnit allanit aggartarput sumiiffimmilu aalisartarlutik.

Taamaakkaluartoq maleruagassat assingi atuupput, tassa inuussutissarsiuutigalugu aalisartuq akuersissummik atuuttumik peqassaaq aamma taanna pisaminik taamaallaat tuniniaasinnaallunilu tunisisinnaavoq, akuersissummik atuuttumik peqarsimaguni. Tamanna aamma atuuppoq sumiiffiit immikkut pisassiiffiuneq ajoraluarpataluunniit.

Apeqqut:

3. Naalackersuisut siulittaasuat qanoq sivisutigisumik Naalackersuisut siulittaasutut atuuffimmini akunninngorlugu allaffimmini nunarput aqullugu issiasarpa?

Akissut: Una akissut Naalackersuisut siulittaasuannit tigusaavoq: "Naalackersuisut siulittaasuattut atuuffik piffissami tamakkiisumi atuuffiuvoq, tamatumani piffissap nalunaarsornissaa piumasaqaataannngilaq. Atuuffik allaffimmi aamma allaffiup avataani isumagineqartarpoq".

Apeqqut:

4. Aalisarnermut Piniarnermut allagartaq 50/50 atorlugu suli atuuttoq sooq Naalackersuisut siulittaasuanut atuutinngila?

Akissut: Kalaallit Nunaanni inatsisitigut inissisimaneq imaappoq, Inatsisartunut ilaasortatut aamma Naalackersuisunut ilaasortatut inissisimaneq, Inatsisartut Naalackersuisullu pillugit Inatsisartut inatsisaat nr. 26, 18. november 2010-meersoq aamma § 4, imm.1 aammalu 22, imm. 5 naapertorlugit, inuiaqatigiinnik sullissinertut isigineqartarlutik.

Apeqqut:

- 5. Utoqqalinersiallit aalisarnermut akuersisummik pissarsinissaannut suut piumasaqaataappat sunalu tunngavigalugu itigartinneqartarpat imaluunniit suut aalajangiinermi tunngaviit naammassisimassavaat aalisarsinnaanermut akuersisummik pissarsissagunik.**

Akissut: Aalisarnermut akuersisummik tunniussinermut atatillugu Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 8, 8. april 2016-imeersumi piumasaqaatit § 8-mi aalajangersarneqartut qinnuteqartup eqquutsinnerai pillugit ingerlatsivimmit nalilersuineq malillugu pisarpoq. Nalilersuinermi inuit pensioninik pisartut aamma inuit pensioninik pineq ajortut akornanni assigiinngisitsisoqarneq ajorpoq.

Inussiarnersumik inuulluaqqusillunga



Jens Immanuelson,
Aalisarnermut, Piniarnermut Nunalerinermullu Naalakkersuisoq